

07.

**BOSNA I HERCEGOVINA
FEDERACIJA BiH
ZENIČKO - DOBOJSKI KANTON
GRAD ZENICA**

**Služba za boračko-invalidsku i socijalnu zaštitu, stambene poslove i društvene
djelatnosti**

Na osnovu člana 53. stav 1. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" 1/14) i člana 34. i 117. Statuta Grada Zenica ("Službene novine Grada Zenica" broj: 05/15) putem Službe za boračko-invalidsku i socijalnu zaštitu, stambene poslove i društvene djelatnosti Gradonačelnik objavljuje:

JAVNI POZIV

**organizacijama i udruženjima/udrugama proisteklim iz odbrambeno-oslobodilačkog rata
1992-1995 za dodjelu budžetskih sredstava u 2021. godini**

Grad Zenica poziva organizacije i udruženja/udruge proistekle iz odbrambeno-oslobodilačkog rata 1992-1995 godine koje su registrovane za djelovanje na nivou grada Zenica da dostave prijedloge projekata iz sljedećih prioriternih oblasti:

1. KULTURA

1.1. Kreiranje inovativnih kulturnih sadržaja i programa kroz afirmaciju tradicije i kulturne baštine BiH, za potrebe pripadnika boračke populacije sa područja grada Zenica.

2. SPORT

2.1. Organizovanje i provođenje amaterskih sportskih manifestacija pripadnika boračke populacije i članova njihovih porodica za koje je iskazan prepoznatljiv interes građana i Grada Zenica, a koji ne spadaju u redovne aktivnosti.

2.2. Sportske programe i sadržaje za zadovoljavanje potreba članova udruženja na području grada Zenica.

2.3. Pripremanje, organizovanje i provođenje sportskih takmičenja rekreativaca, omladine i djece koja nisu uključena u zvanični sistem takmičenja.

2.4. Edukaciju, sportski odgoj i obrazovanje boračke populacije i članova njihovih porodica koji nisu članovi sportskih klubova.

2.5. Aktivnosti koje promovišu zdrav način života, amaterizam i volonterizam, kao i programi za korisno ispunjavanje slobodnog vremena.

3. ISTORIJA

3.1. Afirmacija i promovisanje istorijskih vrijednosti, očuvanja i njegovanja tradicije, ugleda i interesa boračke populacije.

4. SOCIJALNA ZAŠTITA

4.1 Projekti socijalizacije i brige o osobama koje zbog fizičkih ili drugih posebnih potreba nisu u stanju same brinuti o sebi.

4.2 Podrška novim projektnim idejama u svrhu socijalne rehabilitacije i edukacije boračke populacije na području grada Zenica.

Iznosi sredstava za odobrene projekte su min. 1000 KM do max. 7.000 KM (konvertibilnih maraka).

Grad zadržava pravo da ne dodijeli sva raspoloživa finansijska sredstva. Izabrani projekti trebalo bi da se provedu najkasnije do 31.12.2021. godine, do kojeg dana su dužni dostaviti i izvještaj o realizaciji projekta i utrošku dodjeljenih sredstava.

5. PRAVO UČEŠĆA:

Učešće u ovom javnom pozivu je otvoreno, na jednakim osnovama, za sve formalno registrovane boračke organizacije i udruženja koja su registrovana za djelovanje na nivou Grada Zenica. Sve zainteresovane organizacije i udruženja detaljne informacije o uslovima za apliciranje i kriterijima za finansiranje projekata mogu pronaći u Smjernicama za podnosiocce projekata u okviru javnog poziva.

Aplikant može aplicirati na ukupan iznos cijene projekta ili dio nedostajućih sredstava, što je dužan navesti u aplikaciji.

Aplikant može konkurisati sa najviše dva projektna prijedloga, a projekat može obuhvatiti jednu ili više prioriternih oblasti, s tim da primarna oblast mora biti jasno naznačena.

6. PREUZIMANJE PROJEKTNE DOKUMENTACIJE:

Projektna dokumentacija (projektni prijedlog-Aneks 1) kao i dio dodatne dokumentacije (Aneks 2, Aneks 3, 3a, Aneks 4 i Aneks 5) za prijavu na Javni poziv može se preuzeti od 16.marta 2021. godine, na zvaničnoj web stranici Grada, www.zenica.ba. Pitanja u vezi sa javnim pozivom mogu se postaviti pismeno ili direktno putem telefona Službe broj: 032 447 816.

7. PROJEKTNJA DOKUMENTACIJA MORA SADRŽAVATI SLJEDEĆE:

- popunjena aplikacija (projektni prijedlog, Word format-Aneks 1).

8. DODATNA DOKUMENTACIJA OBUHVATA SLJEDEĆE:

- rješenje o registraciji,
- uvjerenje o poreznoj registraciji (Identifikacioni broj),
- kopija ugovora sa bankom ili potvrda o otvorenom transakcijskom računu,
- popunjena forma Administrativni podaci o podnosiocu projekta (Word format - Aneks 2),
- popunjena Finansijska identifikaciona forma (Aneks 3, Aneks 3a),
- popunjena i potpisana Izjava (Word format - Aneks 4),

- kopija završnog godišnjeg finansijskog izvještaja za prethodnu godinu (dokument Bilans stanja i Bilans uspjeha), koji je ovjeren od strane nadležne agencije za finansijsko poslovanje i licenciranog i ovlaštenog knjigovođe,
- kopija godišnjeg narativnog izvještaja organizacije za prethodnu godinu,
- dokaze o izmirenim obavezama po osnovu poreza i obaveznih doprinosa, te obaveza prema Gradu Zenica (ako su boračke organizacije i udruženja obveznici istih – KN, zakupnina za prostor i dr.),
- ukoliko je projekat sufinansiran od strane višeg nivoa vlasti dokaz o sufinansiranju,
- lista za provjeru (Word format- Aneks 5).

9. PREDAJA DOKUMENTACIJE:

Ispunjena aplikacija (sa kompletnom zahtjevanom dokumentacijom) mora se dostaviti **u jednom primjerk**u u štampanoj formi i jednoj elektronskoj kopiji (CD ili USB) u zatvorenoj koverti preporučenom poštom ili lično tokom radnih dana (ponedjeljak – petak), u periodu od 08:00 do 16:00 sati, na sljedeću adresu, sa naznakom za Javni poziv: Protokol Grada Zenica, Služba za boračko-invalidsku i socijalnu zaštitu, stambene poslove i društvene djelatnosti, Trg BiH br. 6, 72 000 Zenica. **Elektronska kopija mora sadržavati kompletnu projektnu dokumentaciju.**

Rok za predaju aplikacija je utorak 13.04.2021. godine, u 16:00 sati. Aplikacije dostavljene nakon navedenog roka bit će razmatrane jedino u slučaju da poštanski žig ukazuje na datum slanja prije zvaničnog isteka roka. Prednja strana koverta mora sadržavati naziv poziva za predaju prijedloga projekata, puno ime i adresu podnosioca projekta, puni naziv projekta i navod: **“Ne otvarati prije zvaničnog otvaranja”**. O primljenoj pošiljci će se voditi uredna evidencija i izdavati potvrde o prijemu. Svi aplikanti koji su predali prijedloge projekata, koji su prihvaćeni ili odbijeni, bit će obaviješteni o odluci u vezi sa njihovim prijedlogom projekta, u roku od 30 dana od dana zatvaranja javnog poziva. Rezultati će biti objavljeni na web stranici Grada, www.zenica.ba.

Broj:02- 11-5294 /2021
Zenica, 10.03.2021. godine

SAGLASAN:
GRADONAČELNIK

Fuad Kasumović

